

POJAŠNJENJA NAČINA OBAVLJANJA PRIJEVOZA U/IZ/KROZ REPUBLIKU AUSTRIJU U POGLEDU POTREBE I VRSTE TRANSPORTNE DOZVOLE

1. BILATERALNI PRIJEVOZI

- Za prijevoze iz Bosne i Hercegovine u Republiku Austriju ili iz Republike Austrije za Bosnu i Hercegovinu obavezno je posjedovanje bilateralne dozvole ili austrijske CEMT dozvole.

Napomena: Kod ovakve vrste prijevoza bilateralna dozvola nije potrebna vozilu (ili vozilu sa prikolicom) čija dopuštena nosivost ne prelazi 3,5 t ili najveća ukupna masa ne prelazi 6 tona (dovoljno je da je ispunjen makar jedan od ova dva uslova).

2. TRANZITNI PRIJEVOZI

a) **Tranzit Austrije kada je ili mjesto utovara u Bosni i Hercegovini ili mjesto istovara u Bosni i Hercegovini**

- Za tranzitne prijevoze kroz Austriju kada se prijevoz obavlja iz Bosne i Hercegovine za neku treću zemlju koja je članica EU (npr. Njemačka, Holandija, Belgija itd.) ili kada se prijevoz obavlja iz neke treće zemlje koja je članica EU, za Bosnu i Hercegovinu, obavezno je posjedovanje „univerzalne dozvole“ ili austrijske CEMT dozvole.

Napomena: Kod ovakve vrste prijevoza, dozvola nije potrebna vozilu (ili vozilu sa prikolicom) čija dopuštena nosivost ne prelazi 3,5 t ili najveća ukupna masa ne prelazi 6 t (dovoljno je da je ispunjen makar jedan od ova dva uslova).

- Za tranzitne prijevoze kroz Austriju kada se prijevoz obavlja iz Bosne i Hercegovine za neku treću zemlju koja NIJE članica EU (Švicarska, Norveška, Lihtenštajn i Island) ili kada se prijevoz obavlja iz neke treće zemlje koja NIJE članica EU (Švicarska, Norveška, Lihtenštajn i Island) za Bosnu i Hercegovinu, dozvola nije potrebna, ali je obavezno posjedovanje CMR-a koji dokazuje da se prijevoz obavlja na takvoj relaciji.

b) **Tranzit Austrije kada ni mjesto utovara, ni mjesto istovara nije u Bosni i Hercegovini, a tranzitira se Bosna i Hercegovina**

- Za tranzitne prijevoze kroz Austriju kada ni mjesto utovara, ni mjesto istovara nije Bosna i Hercegovina, a pri tome se tranzitira Bosna i Hercegovina, obavezno je posjedovanje „univerzalne dozvole“ ili austrijske CEMT dozvole.

Napomena: Kod ovakve vrste prijevoza dozvola nije potrebna vozilu (ili vozilu sa prikolicom) čija dopuštena nosivost ne prelazi 3,5 t ili najveća ukupna masa ne prelazi 6 t (dovoljno je da je ispunjen makar jedan od ova dva uslova).

c) **Tranzit Austrije kada ni mjesto utovara, ni mjesto istovara nije u Bosni i Hercegovini, a ne tranzitira se Bosna i Hercegovina**

- Za tranzitne prijevoze kroz Austriju kada ni mjesto utovara, ni mjesto istovara nije u Bosni i Hercegovini, a ne tranzitira se Bosna i Hercegovine, prijevoz je dozvoljen samo uz posjedovanje austrijske CEMT dozvole.

3. PRIJEVOZ U/IZ TREĆE ZEMLJE IZ/U AUSTRIJU

a) Prijevoz u/iz treće zemlje iz/u Austriju kada se tranzitira Bosna i Hercegovina

- Prijevoz u/iz treće zemlje iz/u Austriju kada se tranzitira Bosna i Hercegovina može se obaviti uz posjedovanje „univerzalne dozvole“ ili austrijske CEMT dozvole.

Napomena: Kod ovakve vrste prijevoza dozvola nije potrebna vozilu (ili vozilu sa prikolicom) čija dopuštena nosivost ne prelazi 3,5 t ili najveća ukupna masa ne prelazi 6 t (dovoljno je da je ispunjen makar jedan od ova dva uslova).

b) Prijevoz u/iz treće zemlje iz/u Austriju kada se ne tranzitira Bosna i Hercegovina

- Prijevoz u/iz treće zemlje iz/u Austriju kada se ne tranzitira Bosna i Hercegovina, je dozvoljen samo uz posjedovanje austrijske CEMT dozvole.

**Pojašnjenja data u ovom dokumentu, zasnovana su na važećoj legislativi koja uređuje oblast transporta između dvije države, kao i na uputama dobijenih iz nadležnog ministarstva za transport u Republici Austriji.*

12.02.2020.godine

Pripremio,
Zijad Sinanović, dipl.ing.saob